

حقوقی بیکسیر مجموعہ سی

آیدہ بر نشر اولتور

دها اعتماد دارد. چونکه اروپا و بالخاصه اسویجره و انگلیز و آمریقا مدیترینک، ژوئیرینک و سعت و انکشافی معاملات عمومی ده کی امنیت متقابلہ یعنی صلابت اخلاق و تعہداتہ صداقت محصولیدر.

فی الواقع (لارومیہر) Contrat et obligation نام ۱۲ بیوک جلدک اثرده تفصیل ایلدیکی کبی انسانلرک حیوانات سائرہ دن اک بیوک وصف میزلی تعہده اهل اولمیرنده در. بو وصفده نقدر ترقی و تعالی ایتیش اولورسهق اوقدر انسانیتیز تکامل ایتیش دیمکدر. آنکچون یکی قانونده هپ عین منبعدن صلابت اخلاقدن انشعاب ایتیش اولان حسن نیت و صمیمیت و امنیتی هر خصوصده اک برنجی عمده اوله رق قبول ایتیشدر. تورک ملتی و تورک حاکمیری قانونک کندیلرینه کوستردیکی بو اعتماد هر وجهله لایق یوکسک سنجیه صاحب اولدقلرنده اشتیاء ایتاملی زواضع قانونک بو بایده نه قدر حقلی اولدیغنی زمان و تجربہ نک اثبات ایدہ جکنہ امین اولمی ز.

یکی واسکی قانونلرک شو ایلک اساسلرنده کی فرقلری مطالعه ایلدکن صکره هریکی قانونک موضوعات خصوصیه لرنده کی عمومی آیریلقلری نظرندن کچیره بیلورز.

آوقات

محمد طلعت

قانونہ تجارت

آلتون تأدیات

آلتون تأدیات شرطندن متحصل مسائل حال حاضرده هر مملکتده حد بر شکل آلتیشدر. نقد و مسکوکات فیثاتلرینک قرارسزلنی قارشوسنده افراد مقاولات خصوصیه ایلہ قیمت اولچولرینی ممکن اولدیغنی قدر صحیح و قطعی بر صورتده تثبیتہ غیرت ایلکده درلر. بو اندیشه پک طبیعیدر. تجار ثابت بر نقده محتاجدر نصلکه معمارک ثابت بر طول اولچوسنه احتیاجی اولدیغنی کبی. اولچو واحد قیاسلرینک هر کون و حتی هر ساعت دیکشن بر انشاءات تشبثک حالی نه اوله جنی بر کره دوشونولسون.

بنابرین ایشلرنده استقراری تأمین ایچون مقاولات خصوصیه لرنده درج ایتدکلری

شرائط مناسبه واسطه سیله پاره قیملرینک تموجانه قارشو چاره آرامغه تشبث و صرف غیرت ایدنلری تخطئه ایتمک طوغری دکدر. صرف ایستدکاری مساعی موازنه اقتصادیه نك و بالتیجه منفعت عامه نك تأمیننه معطوفدر. شونی ده علاوه ایتمک لازمدر که اشبو تقیدات مقاولات عقدینه متدائر اولان حقوقک ایجاباته تماماً مطابق اولدینی کی بالخاصه اوزون وعده لی مقاولات موضوع بحث اولدینی زمان اولویتله وارددر . فی الحقیقه عدالت ، مدیونك ، آلاچقارینه ائمش اولدینی قیمته مساوی بر قیمت اعاده ایتمسی استلزام ایدر. مدتی اون سنه صکره انقضا ایده جك اولان بر مدانیه مقاوله نامه سنی فرض ایده لم . شاید بو اون سنه لك مدت ایچنده نقدك قیمتی یاریه تنزل ایتمش ايسه آلاچقنی بو صورتله تحصیل ایدن داینك مطلوبنك یاریسندن بغیر حق محروم قالمش اوله جقنی بدیهی در . طرفینك ، ادانه مقاوله نامه سننده اشبو عدالتسزلکی رفع ایده جك یعنی نقدك قیمتك تنزلی احتمالی درپیش ایدرك داینك ادانه ایتمش اولدینی قیمته مساوی بر قیمت تحصیل ایده بیلیمسی تأمین ایده جك بر شرط درج ایتملرینه مساعدله ایتمک بحق و موافق عدالت دکلدله نه در ؟

مقاوله عقد ایدنلرك بو مقصدله مراجعت ایستدکاری تدابیرك باشنده «آلتون تأدیات» شرطی کورو نمکده در. فی الواقع آلتون، حائز اولدینی بعض خصوصی اوصافی طولایسیله بر چوق دولتلر طرفندن نقدك عنصر اصلیبی اوله رق انتخاب ایدلمشدر . اوصاف مذکورنك باشلیجه سی قیمتك نسبه استقراری در. بعض احوال طولایسیله مسکوکت ملیه نك نقود معدنیه ایله اوراق نقدیه دن متشکل بولندینی زمان، بولبول تراکم ایتدیریلن تلقیات و فرضیات قانونیه ره رغماً بحران زمانلرنده طبعیدر که اوراق نقدیه نك قیمتی آلتونك قیمتی ایله موازی اوله رق یورویه مز . بعض دساتیر اقتصادیه وارددر که قوه عمومیه دولت بيله اونلره قارشو کلکدن عاجز قالور . اصدار اولتان بر اراده زوالده کیجه وقتی اولدینی امر ایده بیلیر مأمورین دولت بویه براراده ایه اقوال و افعالی توفیق ایتدیره بیلیرلر . لکن بتون بو احوال وقت زوالده کوندوز اولدیفنه اصلا مانع اوله ماز. بونك کی واضع قانونلر ، اوراق نقدیه نك عینی نقد قیمتنده اولدینی امر ایده بیلیرلر و داخل مملکتده مأمورین حکومت وضع اولتان اشبو دستوره توفیق حرکت ایتمک مجبور اوله بیلیرلر لکن حدود مملکت آشیلجه حقیقت کندینی کوستره جك یعنی آلتون ایله اوراق نقدیه آره سننده کی تفاضل بلیره جکدر .

عادلرك عجا مقاوله نامه لرنده آلتون تأديات شرطنه مراجعت صورتيله حقيقت اقتصاديه يي رينه كتير ملرينه مانع اولق ايچون جدی [*] اسباب موجودى در ؟ ايشته بو مسئله دركه تورك محاكمك اجتهداتى فرانسز حقوقده غالب كلمكه ساعى اولان صورت حللر ايله قارشولاشديره رق بوراده مختصراً تدقيق ايدى جكز .

I

- اولا آلتون تأديات شرطنك اكتساب ايدى بيله جكى اشكال مختلفه يي تثبيت ايدى لم .
- بو اشكالك عددى درده قدر بالغ اوله بيلور .
- ۱ — مديون وقت معينده دايه عيارى تصريح ايداش بر مقدار غير مسكوك آلتون تسليم ايتمكى تعهد ايلر .
- ۲ — بر مقدار آلتون مسكوكات مليه اعطاسنى تعهد ايلر .
- ۳ — مقاوله نامه سنده آلتون قيمتده بر مقدار آلتون مسكوكات اجنيه درج ايدر .
- ۴ — و يا خود مديون آلتون قيمته ويا قاميو قیأنه كوره متخالف بر مقدار اوراق نقديه اعطاسنى تعهد ايدر .

II

بو مختلف ترتيباتى تأثيرسز براقه جق اولان آنجق (تداول مجبورى) نك تأسيسى حفته كي احكام قانونيه در . هيچ بر تعبير حقوقى بو (تداول مجبورى) تعبيرى قدر اهم و اغلاقدن قورتيه مامشدر . بوندن طولاييدر كه تعبير مذكورك معنا و شمولنى كال دقت ايله تشيد ايتك احجاب ايدر . شوراسنى همان قيد ايدى لم كه تورك قانونلريله فرانسز قانونلرى عيى تعبير ايله احوال متخالفه يي قصد ايتكمده درلر .

تور كياده تداول مجبورى يي تأسيس ايدن قانون ۳۰ مارت ۱۳۳۰ - ۱۹۱۵ تاريخلى قانوندر كه شويله محرردر [۱]: « اشبو اوراق نقديه نك ممالك عثمانيه نك هر طرفنده كرك دولته افراد آرده سنده كرك بين الافراد بالعموم تأديات و صرفيات واخذ و اعطاده نقدكى تداول و قبولى مجبورى » در . اشبو ماده قانونيه نك مطالعه سندن تور كيه ده قانونك «تداول

[*] ۱۴ نيسان ۱۹۱۶ تاريخلى تورك توحيد مسكوكات قانونه مراجعت .

[۱] بو ايضاحاتى مەتر سالم طرفندن ژورنال دودرو آسترناسيون مالك ۱۹۲۰ سنه سنك

۴۹۵ نجى صحيفه سنده ، مندرج پك قيمتلى مقاله سندن اقتباس ايدى بورم .

مجبوری» نامی و یردیکشی فرانسه‌ده «تداول قانونی» دینلن شیک مقابلیدر. تورکیه‌ده بوتعبیر ایله قصد اولنان معنا آقچه آله‌جقلری اولان کیمسه‌لرک تأدیاده اوراق نقدیه‌نی نقد کبی قبوله مجبوریتلریدر .

فرانسه‌ده بانقوطلر تداول قانونی امتیازی حائزدر . ۱۲ اغستوس ۱۸۷۰ تاریخی قانون موجبجه تأدیاده بر آلاجلو آنلی آلاجنه مقابل نقد کبی قبول ایتکه اجبار اولنه‌یلور . اوراق نقدیه‌نک تداول مجبوریتی مسئله‌سی تورکیه‌ایله فرانسه‌ده عینی شکلده عرض اندام ایتماور تورکیه‌ده اوراق نقدیه طوغریدن طوغریه حکومت طرفندن باصیلوب موقع تداوله وضع ایدلیکی حالده فرانسه‌ده اوراق نقدیه حکومتدن تماماً مستقل براداره اولان و حکومت جانبندن کندیسنه بخش اولنان امتیاز موجبجه معین مقدارده اخراجنه مأذون اولدینی و حین ابرازنده حاملنه نقداً واجب‌التأدیه اوله‌رق فرانسز بانکه‌سی طرفندن اخراج اولور .

احوال عادیده اوراق نقدیه ایله مسکوکت معدیه آره‌سنده کی تعادل فرانسه بانکه‌سنک نظامنامه اساسیسی موجبجه اخراج ایتس اولدینی بانقوطلرک حین ابرازنده نقداً تأدیه‌یه اولان مجبوریتی سایه‌سنده تأمین ایدلش اولور . بحران زمانلرنده ایسه قاصه‌لرنده کی نقد موجودینی صیانه بانکه‌اشبو نقداً تأدیه کلقتندن آزاده‌در . افراد ایسه بالعکس اشبو اوراق نقدیه‌نی بانکه‌نک کیشه‌لرنده نقدایله مبادله ایتدیرمکه مقتدر اولقسزین آنلی نزدلرنده حفظ ایتکه مجبوردرلر . ایشته فرانسه‌ده تداول مجبوری اصولی دینیلن اصول بودر . بو اصول ۵ اغستوس ۱۹۱۴ تاریخی قانون ایله احداث ایدلشد . ماده قانونیه شودر . « خلاقی دیگر بر قانونله امر اولنجه‌یه قدر فرانسه بانکه‌سی بانقوطلرینی نقداً تأدیه کلقتندن معاف اوله‌جقدر . » بنابرین فرانسه‌ده کی تداول مجبوری فرانسه بانکه‌سنک له‌نه وضع اولنان بر موراتوریوم درکه احکام جدیده وضع اولنجه‌یه قدر بانکه‌نی بانقوطلرینک بدللی نقداً تأدیه ایتک مجبوریتدن آزاده قیلقمده‌در .

تداول مجبوری تعبیرینک فرانسه ایله تورکیه‌ده آیری آیری معناله کلدیکی آشکاردر : تورکیه‌ده یالکز آلاجلولر آلاجلرینی اوراق نقدیه اوله‌رق تحصیله مجبوردرلر . اشبو مجبوریت فرانسه‌ده دخی مرعی اولوب — بوکا تداول قانونی تعبیرایدیلور — بوندن ماعدا بانقوطل حامللری آنلی اخراج ایتس بانکه‌نی نقداً تأدیه‌یه مجبور ایتکه مقتدر اولقسزین مذکور بانقوطلری نزدلرنده حفظ ایتکه مجبوردرلر .

III

آره لرنده کی مشابعت لفظیه به رغماً بر برندن تماماً فرقی تلقیلردن ایکی مملکتک محکمه لری بر طاقم نقطه لده بر برینه تماماً شبیه نتایج استخراج ایتشلردر که اکثر احواله آلتون تأدیات شرطک استعماله جواز ویرمکنده درلر. بو خصوصده محکمه لرمز تورک حاکم لری نه نسبتله ده ا شدید کورونمکنده درلر.

تورک محکمه لری نک اجتهدی ایکی شکله ارجاع اولنه یلور :

- ۱ — تداول مجبوری نک تأسیسندن اول آلتون اوله رق ذمه مترتب دیونات تداول مجبوری اصولک مرعی بولندی می مدتیجه اوراق نقدیه ایله تأدییه اولنه یلور .
- ۲ — تداول مجبوری اصولک جاری اولدی می زمان ایچنده آلتون اوله رق ذمه ترتب ایتش اولان دیونات آلتون اوله رق تأدییه ایدیلیدر . [۱]

تداول مجبوری اصولک تأسیسندن صکره آلتون اوله رق ذمه ترتب ایتش دیوناتک آلتون اوله رق تأدییه مجبوری تی تورک محکمه لری توحید مسکوکات حقنده کی ۱۴ نیسان ۱۹۱۶ تاریخی قانونک ۷ نجی ماده سه استناد ایدیورلر که ماده مذکوره عیناً : « بوقانونک مرعیتندن اول ذمته ثابت اولان دیون آچمنک نوع مسکوکاتی و یا قیمتی تصریح قلندی می تقدیرده آنکله ایفا اولنور . » تخصیصاً آلتون اوله رق یاسیلان بر بورجینه آلتون اوله رق تسویه ایدلمسی اقتضا ایدر دیمکدر . [۲]

اجنبی بر محکمه عالییه نک برقراری قارشوسنده واجب اولان حرمت واحتیاطه رعایت شرطیه بو اجتهدک طوغریلانی حقنده تردد لر مزک اظهاریه مساعدده اولنمسی طلب ایله جکمز :

بر کره ، ۷ نجی ماده سی محکمه تمیزک اجتهدیه اساس اولان ۱۴ نیسان ۱۹۱۶ تاریخی توحید مسکوکات قانونک تأدیاتک هانکی آچمه ایله تسویه اولنه جنی مسئله سی حل ایتک ایستیکی طوغری می در ؟ بوقانون ، مختلف تورک پاره لری نک مختلف ولایتلرده کی مختلف رایج لری اورتهدن قالدیروب اصول مسکوکاته قانوناً برنجانس بر وحدت تأمین ایتک

[۱] مه تر ساله مک مارالد کر مقاله سنده بو نتایجک استخراجنه مدار اولان مختلف محاکم مقرراتی نقل ایدلیدر .

[۲] ژورنال دودرو آتئرناسیونالده سنه ۱۹۲۴ ص ۹۲۷ ده انشار ایدن تورک محکمه تمیزی قرارنده بو جهت مصرحدر .

ایچون قبول ایدلمشیدی . قانونک ۷نجی مادهسی ایسه مقدا اجرا اولنان عقودانک نه صورتله تفسیر ایدلمک اقتضا ایتدیکنی کوستریوردی یوقسه آلتون اوله رق شرط ایدیلن دیونانک صورت تسویه سنی ازانه ایله مه بوردی . فی الواقع ماده مذکورنک متنی شودر : « بو قانونک مرعیتدن اول ذمتده ثابت اولان دیون ، آچهنک نوع و یا قیمتی تعیین و تصریح اولمیه رق غروش اوزرینه ترتب ایتش ایسه ذمته تعلق تاریمخده کی آچه رایجی ایله ایفا اولنور . نوع و قیمتی تعیین ایدلمش اولدینی تقدیرده آنکله ایفا اولنور . »

بر ایکنجی نقطه حقندهده بر آرز ترددمن موجوددر . تورک محاکمی نهدن طولایی نشرندن اول و یا مؤخر اولملرینه کوره آلتون تأدیات شرطری حقنده آری آری حکمرل و بریور ؟ شورای دولتک ، اوراق نقدیه نک اخراجندن اول ذمته آلتون اوله رق ترتب ایتش دیونانک اوراق نقدیه ایله تأدیه سنه معطوف اولان قرارینه استناد ایدیلورسه اوراق نقدیه نک اخراجندن صکره ذمتده ثابت اولمش اولان آلتون دیونانک آری بر حکمه تابع طوتیلمق ایستدیکنک اسبابی کورولمه مکدهدر . ا کر تورکیدهده یوقاروده بسط ایتدیکمز ماهیتی ایله وضع اولمش اولان تداول مجبوری مکافیتک وضعندن اول ذمته مرتب دیونک آلتون اوله رق تسویه سنه مانع ایسه تداول مجبوری نک جاری اولدینی بر زمانده ذمتده ثابت آلتون بر بورجک تداول مجبوری وضع واحداثدن صکره ترتب ایتدیکندن ناشی آلتون اوله رق تسویه سنی طلب ایتمه نک جائز اولدینی نصل ادعا اوله بیلور ؟ بو صورت حل بزه عقل و منطقه پک موافق کورولمه مکدهدر . بزه قالورسه تداول مجبوری اصولنک وضعندن اقدام و یا مؤخر اولان آلتون تأدیات شرطلرندن هانکیسنک نظر قانونده معتبر اولمش خصوصنده بیان فکر ایتک ایجاب ایتسه مجبوریتدن اقدام اوله رق وضع اولمش اولان شرطری ترجیح ایدرز . زیرا او تاریخده تداول مجبوری اصلن اصول مسکوکانده حصوله کتیردیکی تحول عظیمی عاقلره اخطار ایدمک هنوز هیچ بر اماره موجود دکدر . حالبوکه مؤخر اولانلر حقنده بویله بر تغافل ایلو سورولمه من .

حقیقت حالده ایسه تورکیدهده تداول مجبوری بی تأسیس ایدن قانونک غایه سی موجود آچملره شرائط اقتصادی فوق العاده دن طولایی بریکی آچه علاوه ایتک ایدی . موجود و تداولی قانوناً جائز آچملر میاننده آرزولرینه الت موافق اولانی انتخاب ایله آنی مقاوله لرینه درج ایتک سربستی عقودات پرنسپیی مقتضیا نندندر . آرزو ایتدکری تقدیرده معاملات

تجاریه لرنده مبادله عیدیه توسل ایده بیلیرلر و مباح اولان شیلر آره سنده آرزو ایتدکلرینی بدل اوله رق تعیین ایده بیلیرلر. مثلا : کولچه حالنده بر معدن آلتون ویا پلاتین ویا خود دیگر بر مملکت پاره سنی شرط ایده بیلیرلر .

بو خصوصده فرانسز محکمه لرندن ده احرارانه حرکت ایدن تورک محکمه لری تداول مجبوری اصولنک جاری اولدینی مدت ظرفنده آلتون تأدیه شرطنی مقبول و معتبر عد ایتکده در. اشبو مجبورت تداول دن مقدم وقوعبولش بو قبیل شرطلره معتبر نظرله باقدیرمایان اسباب قانونیه یی آکلایه مادیغمزی اعتراف ایدرز .

IV

فرانسه ده مسئله مذکوریه یی حل ایتکه دلالت ایدن موضوعات قانونیه شونلردر :
(۱) برنجی جمهوریت تقویمنک اون برنجی سنه سنک ۱۷ ژرینال تاریخی قانونی ایله لاتین مسکوکات اتحادی مقاولات اساسیه سی .

(۲) بانقنوطلرک بالجله تأدیاده قبولی آمر اولان و بو صورتله مذکور بانقنوطلره تداول قانونی ماهیتی بخش ایدن ۱۲ اغستوس ۱۸۷۰ تاریخی قانون .

(۳) بانقنوطلره تداول مجبوری ماهیتی بخش ایدن و فرانسه بانکه سنی بدلنی آلتون اوله رق تأدیه دن معاف قیلان ۵ اغستوس ۱۹۱۴ تاریخی قانون .

(۴) مسکوکات ملیه نک رایج قانونی لرندن فضلّه بر بدل ایله ویا معین « پریم » مقابلنده آلنوب صایلمه سنی منع ایدن ۱۲ شباط ۱۹۱۶ تاریخی قانون .

(۵) آلتونک وعلی الاطلاق سرمایه لرک مملکت دیشاریسنه اخراجنی منع ایدن ۳ نیسان ۱۹۱۸ تاریخی قانون، موضوعات قانونیه آتفه یه قانون جزانک (فرانسز قانون جزاسی) ۴۷۵نجی ماده نک ایکنجی فقره سنی علاوه ایتک لازمکلور . فقره مذکوره ایسه شویله در :
« نقود و مسکوکات ملیه یی (که بونلره بانقنوطلر دخی داخلدر) متداول اولدقلری

رایجقلری اوزرندن قبولدن استکاف ایدنلر » جزا کورور .

متون آتفه نک، آلتون کولچه تسلیمنی تعهد ایدن مدیونک بو باده کی تعهداته مؤثر اوله میه جفی ظاهر در. زیرا قانون مدنی (فرانسز قانون مدنیسی) نک ۱۸۹۶نجی ماده سی بو قبیل تعهداتی مقبول عد ایتکده در .

بوندن علی طریق الاستدلال شونتیجه یه واریلور که فرانسه ده اجنبی نقود و مسکوکاتی اوزرینه تأدیات اجراسنی شرط قیلیق ممکن در . فی الحقیقه قانون تجارتک « بر پولیچه نک ناطق اولدیغی مسکوکات اوزرندن تأدییه اولنور » صورتنده محرر اولان ۱۴۳ نجی ماده سی بونی صراحةً ارا نه ایتمکده در . بنابرین تعهداتک استقراری آرزو ایدن عاقیدینک غیر مسکوک آلتونه توسل ایتمک صلاحیتدار ایسه لر عینی اسبابه بناءً آلتون ایله باشه باش اولان مسکوکات اجنبیه یی دخی شرط قیلمالری جائز اولماسی لازمکلور .

غیر مسکوک آلتون ، مسکوکات اجنبیه نک رایجی متحول اولوب رایج مذکور ایسه عرض و طلب پیاسه لریله قامیو پیاسه سنده تعین ایدر . بر مقدار معین کولچه حالنده آلتون ویا دولار یرینه تعهدک وعده سنده داینک کونک پیاسه سنه کوره او مقدار کولچه آلتونی ویا دولاری تدارک ایده بیلمسی ایچون اقتضا ایده جک مقداره بانقو طرل تسویه ایدلمسی عاقلدرک مقاوله نامه لرنده درج ایتملرینه کیم نه دیه بیلیر ؟

یوقاروده ذکر ایستدیکنز قانونلرک هیچ برنده بونی منع ایدن هیچ بر حکمه تصادف ایدلما مکده در . بو خصوصده سربستی مقاولات و ممنوع اولمایان هرشی مجاز در برنسیلیری حاکمدر ؛ قانونک بطلان وعدم اهلیت حقنده کی احکامی تحدیدی و احترازی ماهیتده اولوب قانونک صراحةً تعین ایتمدیکی حدود خارجه تشمیل و سرایت ایستدیر یله مز . اقتصادی بر احتیاجه واک سطحی بر جس نصفته تقابل ایدن مختلف شکللری آلتنده آلتون تأدیات حقنده کی تعهداتک صحتی بزه کوره هیچ شبهه کوتوره مز .

مع مافیه عمومیت اعتبار یله فرانسز محاکمک اجتہادی بو قبیل تعهداتک صحتی قبول ایتمه مکده در . [۱] واقعا فرانسز محاکمه شمدی یه قدر کولچه حالنده آلتون تأدیاتی شرطی حقنده اعطای حکم ایتمک ایچون مناسبت الویر مامشدر . دیگر طرفدن اجنبی مسکوکات تعهدلرینی تصویب ایتمک اولدقجه متایل کورو نو یور سه ده بو خصوصده پیاسه فیثانه کوره مدیونک مسکوکات ملیه ایله ادای دیون ایتمه سنه مساعدده ایتمکده در . لکن بوندن غیری قالان دیگر شرطلری و مثلاً تداول مجبوری اصولنک وضعندن اول ویا صکره اوله رق وقوعبولش اولان آلتون تأدیات شرطلری ابطال ایدلمکده در . محاکم بونلردن یالکیز بین الملل مبادلاته متدائر

[۱] موسیو جامس ایله مشترکاً قلمه آلدیفنز « آلتون تأدییه سی شرطی » حقنده کی ائرده بو

اولانرك سختی قبول ایتكده و اراضی ملیده جریان ایدن بر معامله تجاریه ایچون صورت قطعیده منع ایتكده در .

برنجی مطالعهیه کوره بانقو ط عین نقد قیمتنددر . مسكوكات ایله اوراق نقدیهك هر ایکسی عینی صورتده نقودملیه دن معدود و ااعتبارله قیمت موضوعه لر یله عاقدلر ایچون مجبوری القبول اولدقلری تصدیق ایدلکده در .

ایکنجی مطالعهیه کوره ایسه تداول مجبوری انتظام عامیه متعلق تداییر جمله سندن اولدیغندن افراد اشبو حکمه مخالف شرائط قرارلاشدیره مازلر . احکام قانونیه آفقه دن فرانسه بانقوسنك بانقو ط لرینك هر نوع تأدیاتده حتی آلتون ایله تأدیات شرطی وضع اولمش اولان احوالده دخی مدیونی ابرا ایتدیکی نتیجه سی استخراج ایدلمشدر .

مارالذکر ایکی مطالعه بزی اقناع ایتكدن بك اوزاقدرلر . آلتون تأدیات شرط ایدلدیکی زمان بانقو ط لرك قوه ابرائیه سی انكار ایدلمش اولمایور . افراد ، بورجلریئی تأدییه ایده جك مختلف وسائط میاننده نهدن بعضلریئی دیگرلرینه ترجیحاً انتخاب ایتك حقنی حائز اولماسونلر ، یعنی نهدن اوراق نقدیه رینه آلتون ایله نقود اجنبیه یی شرط ایدمه سونلر ؟

بكا قالورسه محاکمك طرز اجتهدی « تداول مجبوری » نك یاكلش برنأولبندن انبعات ایتكده در . تداول مجبوری تعیری ایله محاکم ، بانقو ط لرك افراد ایچون قانوناً یكانه قضای دیون واسطه سی اوله رق قبول ایدلمسی امر ایدن بر اصول اولدیغی اشراب ایتكده درلر . حقیقتده ایسه بویه دكلدر . اوراق نقدیهك تداول مجبورسی آلتون وكوشك قیمتئی اصلاً تنقیص ایتامشدر . اساساً نقودك استعمالی مجبوری دكلدر . مال مقوم اولق شرطیه هر قفنی بر مالك مساواتده شرط ایداسی جائزدر . یوقاروده بالمناصبه سوبلدیکمز کبی تدارل مجبوری دن مقصد فرانسه حکومت بانقوسنی بانقو ط لرك آلتون ایله مبادله ایتك مجبوریتندن وارسته قیلمقدر . مذکور بانقه ایله بانقو ط لرینك حامللریئی علاقه دار ایده جك اولان تداول مجبوری مسئله سی بزم موضوع بحث ایتدی کمز وداینلر ایله مدیونلرك مناسباته تعلق ایدن مسئله دن کلیاً فرقلیدر . فرانسه بانقوسنی آلتون تأدیات مجبوریتندن وارسته قیلان بر متن قانونی نك افرادك ، بینلرنده تنظیم

ایستدکاری مقاولانده آلتون تأدیات شرطی درج ایتملرینی منع ایتمدیکی صورتنده تاویل ایدلمسینه بر درلو حوصلهم آلمایور .

شوراسی دخی شایان قیددرکه « بین الملل تأدیات » ایله « ملی تأدیات » خصوصنده کی آلتون تأدیات شرطی حقنده فرانسه محکمه لری نه دن طولانی آیری آیری حکملرده بولنیورلر ؟ « بین الملل تأدیات » تعیرندن مقصد ندر ؟ بونک « بین الملل » صفتی تعیین ایچون عاقدلرک تابعیتی می اقامتگاهلری می یوقسه مقاوله نك محل عقد ویا محل اجراسی می نظر اعتباره آلتق ایجاب ایده جک . بو تعیرک نه قدر آز واضح و غیر معین اولدیغی میدانده در . بوندن ماعدا فرانسه ده اجرا اولنه جق بر تأدیة دیون موضوع بحث اولونجه آلتون تأدیات شرطی منع ایدن احکام انتظام عامه یه متعلق اولدیغنه کوره عاقدلر اجنبی اولورسه نه صورتله خللدن وقایه ایدلمش اوله جق ؟ بو نصل انتظام عامه که حدود ملیه داخلنده تبعه محلیه منع ایتمدیکی عقوداتی اجانب ایچون مجاز کورسون . مملکت مز داخلنده شرائط مناسبه واسطه سیله نقودک عدم استقرارینه قارشو کندیلملرینی تأمین ایتملری امکاتی نه دن یالکیز اجانبه بخش ایدلمده فرانسلری بو عدم استقرارک بالجله مخاطرانه قارشو مدافعه سز براقلم !

تداول مجبوری نك تورکیاده موجود اولان و فرانسه نککنندن کلیاً فرقلی اولان طرز تلقیه کوره تورک محاکمی تداول مجبوری اصولنک وضعندن اول تقرر ایتمش اولان آلتون تأدیات شرطلرینی قبول و تصدیق ایتمشلردر . اشبو صورت حلك بالجله آلتون تأدیات شرطلرینه - حتی ۳۰مارت ۱۹۱۵ تاریخی قانوندن صکره تقرر ایتمش اولسه لر دخی - تشمیلنی منطق حقوقیه پک موافق کوریرم .

پارس حقوق فاکولته سی بروفیسورلرندن

آشیل مرسر